

wy moeghen verbliden in dinnre ont-
farmhertich^t. ende opghericht myt dñ-
re grácien moeghen ghetwoestet wor-
den myt die hope der ewigher guede
Wuermids dy here **Jesu chre** een waer
licht der sielen gheboren vande vader
voer alle ewichett Amen. **I**n deser
hilligher tijt der toecomst ons heren
salstu dy myt mere deuotien ende an-
dacht kieren toe gode dan op andere
tijden en sunderlinghe nae sunte **L**
Lucie salstu dñ herte en dñ siele n
myt groter begheerten opheffen toe
chre want hie is die ghene den die
moeder die hillighe kercke begheert
toe coemen Ende dit openbaert dat
roepen ende die grote begheerte der
hilligher ppheten ende oock die be-
gheerte eenre ghetrouwer sielen die
daer begheert die toecomst chre die
sal vake beden dit voerghescreuen
ghebeth. **Op midwinters auent.**